

## **Til Vereringane og lokale sau- og geit i Buskerud**

### **Organisering av avlsarbeidet på sau i Buskerud**

På årsmøtet i Buskerud sau og geit (Bsg) skal det opp ei sak om Organisering av avlsarbeidet på sau i fylket. Bakgrunnen for det er usemje om korleis Avlsutvalet for sau skal vera samansett.

På 90-talet var Avlsutvalet på 3 personar; 2 sauehaldarar valde av Bsg og 1 oppnemnt av Vbs (Nortura) som også var sekretær. Leiaren vart oppnemnt av Bsg.

Etter omorganiseringa av avlsarbeidet i Nsg tidleg på 2000-talet, var Avlsutvalet samansett av alle leiarane i vereringane i fylket (6 stk). Utvalet valde sjølv leiar mellom desse.

Våren 2011 ynskte dåverande leiar i avlsutvalet å trekke seg. I samband med nyval, kom det opp alternativt forslag til samansetjing av utvalet. Viktigaste årsaken til dette var ynskje om at utvalet skulle ha ei breiare samansetjing. Styret i Bsg klarte ikkje å bli einige i denne saka.

Resultatet vart at Bsg 31. mai 2011, valde å legge ned avlsutvalet fram til årsmøtet i 2012.

I denne perioden skulle underteikna vera kontaktperson for saueavlen i fylket, og representere Buskerud i Regionutvalet for sau på Austlandet. I tillegg skulle eg sørgje for at saka vart diskutert i vereringane og i dei lokallaga i sau- og geit. Saka skal opp til handsaming på årsmøtet i Bsg 3. mars 2012. Samansetjing og arbeidsoppgåvene til avlsutvalet vil bli endeleg vedteke då.

Nedanfor er det gjort eit forsøk på å skissere nokre alternativ for samansetjing av avlsutvalet. Det vil sjølvsagt finnast fleire, men dette er dei mest realistiske slik saka står no. Det er også laga ei oversikt over dei viktigaste ansvarsområda til utvalet. Det same gjeld her, det kan vera fleire, men dette er i alle fall ein start.

#### **Det er to hovudalternativ til samansetjing av avlsutval:**

1. Avlsutvalet består berre av representantar frå vereringane.  
Utvalet skal vera samansett av 1 representant frå kvar verering. Utvalet vel sjølv leiar seg i mellom.
2. Avlsutvalet består både av representantar frå vereringane og frå buskapar utanom ring.
  - a. Utvalet skal vera samansett av 1 representant frå kvar verering. I tillegg vel styret i Bsg 1-2 representantar som ikkje er med i verering. Utvalet vel sjølv leiar seg i mellom.
  - b. Utvalet skal vera samansett av 1 representant frå kvar verering. I tillegg vel styret i Bsg 1 representant blant styremedlemmene i Bsg. Utvalet vel sjølv leiar seg i mellom.

Hovudårsaka til at enkelte ynskjer alternativ 2 er at det også skal vera "vanlege" sauehaldarar med i avlsutvalet, og ikkje berre medlemmer i ringane. Det er fordi vereringane også har ansvaret for at buskapar utanfor vereringane får tilgang på avlsverar, med eigenskapar som dei ynskjer.

### **Innanfor desse to hovudalternativa er det også fleire moglegheiter:**

- I. Utvalet skal vera samansett av færre representantar frå vereringane, t.d. 3 personar. Då må i tilfelle eit møte der alle ringane er representert, eller styret i Bsg, velje dei som skal utgjera avlsutvalet. Utvalet vel sjølv leiar seg i mellom.
- II. Utvalet skal vera samansett av 3 personar valde av og frå vereringane. Styret i Bsg vel i tillegg 1-2 representantar. Utvalet vel sjølv leiar seg i mellom.

### **Avlsutvalet for sau i Buskerud har ansvaret for: (forslag)**

- Å halde kåringssjå for verlam i tilstrekkeleg omfang, og for dei rasar det trengst.
- At det er tilstrekkeleg med kompetente dommarar, sekretærhjelp og nødvendige hjelpemiddel til kåringane.
- Å arbeide for at alle dei granska verane, som er av akseptabel kvalitet, blir brukt i saueavlen i fylket eller går til seminastasjon.
- Å syte for at alle sauebuskapane i fylket har eit godt tilbod om kåra verlam.
- Å drive eit aktivt informasjons- og opplæringsarbeid for å få fram verdien av å nytte godkjente avlsverar i avlen. Her kan ei veremønstring i fylket vera eit godt tiltak.

### **I ”REGLER FOR VÆRERINGER OG VÆREHOLDSLAG” står det bl.a.:**

- *”Avlsutvalget i fylket har ingen direkte oppgaver overfor væreringene og væreholdslagene i sitt fylke.”*
- *”Avlsutvalget i fylket og fylkeslaget må følge vedtak gjort av Avlsrådet for sau og/eller styret i NSG.”*

Styret i Bsg ynskjer ei breiare samansetjing av avlsutvalet enn det vi har hatt dei siste åra. Elles vil det også bli høve til å diskutere dette og andre avlsspørsmål på den opne fagdagen, dagen før sjølve årsmøte.

Eg håpar vereringane og lokallaga tek seg tid til å diskutere dette temaet og desse alternativa. På den måten kan dei som møter som representantar på årsmøtet i Bsg ha eit best mogleg grunnlag for å fatte endeleg vedtak i saka.

Dersom de ynskjer det, kan de også sende skriftleg uttale til Bsg v/Vinni Foss, Nortura, 3550 Gol. E-post: [vinni.foss@nortura.no](mailto:vinni.foss@nortura.no)

Gol, 01.02.2012.

Med helsing  
Per H. Liahagen